

願共諸衆生往生安樂國

南無至心歸命禮西方阿彌陀佛

智慧光明不可量 故佛又号無量光

有量諸相蒙光曉 是故瞽盲眞實明

願共諸衆生往生安樂國

南無至心歸命禮西方阿彌陀佛

解脫光輪無限齊 故佛又号無邊光

蒙光觸者離有無 是故瞽盲平等覺

願共諸衆生往生安樂國

南無至心歸命禮西方阿彌陀佛

光雲無尋如虛空 故佛又号無尋光

一切有礙蒙光澤 是故頂禮難思議

願共諸衆生往生安樂國

南無至心歸命禮西方阿彌陀佛

清淨光明無有對 故佛又号無對光

遇斯光者業繫除 是故瞽盲畢竟依

願共諸衆生往生安樂國

南無至心歸命禮西方阿彌陀佛

佛光照耀最第一 故佛又号光炎王

三塗黑闇蒙光啓 是故頂禮大應供

願共諸衆生往生安樂國

南無至心歸命禮西方阿彌陀佛

道光明朗色超絕 故佛又号清淨光

一蒙光照罪垢除 皆得解脫故頂禮

願共諸衆生往生安樂國

南無至心歸命禮西方阿彌陀佛

慈光遐被施安樂 故佛又号歡喜光

光所至處得法喜 稽首頂禮大安慰

願共諸衆生往生安樂國

南無至心歸命禮西方阿彌陀佛

佛光能破無明闇 故佛又号智慧光

一切諸佛三乘衆 咸共歡舉故稽首

願共諸衆生往生安樂國

南無至心歸命禮西方阿彌陀佛

光明一切時普照 故佛又号不斷光

聞光力故心不斷 皆得往生故頂禮

願其諸衆生往生安樂國

南無至心歸命禮西方阿彌陀佛

其光除佛莫能測分下故佛又号ス難思光

十方諸佛歎往生ヲ稱其功德故稽首ス

願其諸衆生往生安樂國

南無至心歸命禮西方阿彌陀佛

神光離相不可名ク故佛又号ス無稱光

因光成佛光赫カ然シ諸佛所歎故頂禮ス

願其諸衆生往生安樂國

南無至心歸命禮西方阿彌陀佛

光明照耀過日月ニ故佛号ス超日月光

釋迦佛歎尚不盡キ故我稽首無等等ヲ

願其諸衆生往生安樂國

南無至心歸命禮西方阿彌陀佛

哀愍覆護我令法種增長此世及後生願佛常攝受

願其諸衆生往生安樂國

南無至心歸命禮西方極樂世界觀世音菩薩

願其諸衆生往生安樂國

南無至心歸命禮西方極樂世界大執勢至菩薩  
願共諸衆生往生安樂國

南無至心歸命禮西方極樂世界諸菩薩清淨大海  
衆

願共諸衆生往生安樂國

普爲師僧父母及善知識法界衆生斷除三障同得  
往生阿彌陀佛國歸命懺悔

南無至心歸命禮西方阿彌陀佛

阿彌陀佛初會衆 聲聞菩薩數無量

神通巧妙不能算 是故稽首廣大會

願共諸衆生往生安樂國

南無至心歸命禮西方阿彌陀佛

安樂無量摩訶薩 咸當一生補佛處

除其本願大弘誓 普欲度脫諸衆生

斯等寶林功德聚 一心合掌頭面禮

願共諸衆生往生安樂國

南無至心歸命禮西方阿彌陀佛

安樂國土諸聲聞 皆光一尋若流星

菩薩光輪四千里 若秋滿月映紫金

集佛法藏為衆生 故我頂禮大心海

願其諸衆生往生安樂國

南無至心歸命禮西方阿彌陀佛

又觀世音大勢至 於諸聖衆最第一

慈光照耀大千界 侍佛左右顯神儀

度諸有緣不暫息 如大海潮不失時

如是大悲大勢至 一心誓首頭面禮

願其諸衆生往生安樂國

南無至心歸命禮西方阿彌陀佛

其有衆生 生安樂 悉具三十有二相

智慧滿足入深法 究暢道要無障礙

隨根利鈍成就忍 二忍乃至不可計

宿命五通常自在 至佛不更雜惡趣

除生他方五濁世 示現同如大牟尼

生安樂國成大利 是故至心頭面禮

願其諸衆生往生安樂國

南無至心歸命禮西方阿彌陀佛

安樂菩薩承佛神 於一食頃詣十方  
不可筭數佛世界 恭敬供養諸如來  
華香伎樂從念現 寶蓋幢幡隨意出  
珍竒絕世無能名 散華供養殊異寶  
化成華蓋光是耀 香氣普薰莫不周  
華蓋小者四百里 乃有遍覆一佛界  
隨其前後次化去 是諸菩薩僉欣悅  
於虛空中奏天樂 雅讚德頌揚佛慧  
聽受經法供養已 未食之前騰虛還

神力自在不可測 故我頂禮無上尊

願共諸衆生往生安樂國

南無至心歸命禮西方阿彌陀佛

安樂佛國諸菩薩 夫可宣說隨智慧  
於已萬物亡我所 淨若蓮華不受塵  
往來進止若汎舟 利安爲務捨適莫  
彼已猶空斷二想 然智慧炬照長夜  
三明六通皆已足 菩薩萬行貫心眼  
如是功德無邊量 是故至心頭面禮

此一偈證  
卷初依安  
樂果抄出

願其諸衆生往生安樂國

南無至心歸命禮西方阿彌陀佛

安樂聲聞菩薩衆

人天智惠咸洞達

身相莊嚴無殊異

但順陀方故列名

顏容端正無可比

精微妙軀非人天

虛無之身無極體

是故頂禮平等力

願其諸衆生往生安樂國

南無至心歸命禮西方阿彌陀佛

敢能得生安樂國

皆悉住於正定聚

邪定不定其國無

諸佛咸讚故頂禮

願其諸衆生往生安樂國

南無至心歸命禮西方阿彌陀佛

諸聞阿彌陀德号

信心歡喜慶所聞

乃暨一念至心者

迴向願生皆得往

唯除五逆謗正法

故我頂禮願往生

願其諸衆生往生安樂國

南無至心歸命禮西方阿彌陀佛

安樂菩薩聲聞輩

於此世界無比方

此一偈信  
卷承抄出

釋迦無礙大辯才 設諸假令示少分  
最賤乞人茲帝王 帝王復比金輪王  
如是展轉至六天 次第相形皆如始  
以天色像喻於彼 千萬億倍非其類  
皆是泐藏願力爲 誓首頂禮大心力  
願其諸衆生往生安樂國

南無至心歸命禮西方阿彌陀佛

大人一切有所須 無不稱欲應念至  
一寶二寶無量寶 隨心化造受用具  
堂宇飲食悉如此 故我稽首無稱佛

願其諸衆生往生安樂國

南無至心歸命禮西方阿彌陀佛

諸往生者悉具足 清淨色身無可比  
神通功德及宮殿 服飾莊嚴如六天  
應器寶鉢自然至 百味嘉餚儵已滿  
見色聞香意爲食 忽然飽足受適悅  
所味清淨無所著 事已化去須復現  
晏安快樂次泥洹 是故至心頭面禮



願其諸衆生往生安樂國

南無至心歸命禮西方阿彌陀佛

十方佛土菩薩衆 及諸比丘生安樂

無量無數不可計 已生今生當亦然

皆曾供養無量佛 攝取百千堅固法

如是大士悉往生 是故頂禮阿彌陀

願其諸衆生往生安樂國

南無至心歸命禮西方阿彌陀佛

若聞阿彌陀德号 歡喜讚仰心歸依

下至一念得大利 則為具足功德寶

設滿大千世界火 亦應直過聞佛名

聞阿彌陀不復退 是故至心稽首禮

願其諸衆生往生安樂國

南無至心歸命禮西方阿彌陀佛

神力無極阿彌陀 十方無量佛所歎

東方恒沙諸佛國 菩薩無數悉往觀

亦復供養安樂國 菩薩聲聞諸大衆

聽受經法宣道化 自餘九方亦如是

此一偈行  
卷廿九依  
出安樂集抄

贊阿彌陀

計

詩阿彌陀佛  
釋迦如來說偈頌 無量功德故頂禮

願其諸衆生往生安樂國

南無至心歸命禮西方阿彌陀佛

諸來無量菩薩衆 爲植德本致虔恭

或奏音樂歌歎佛 或頌佛慧照世間

或以天華衣供養 或覩淨土興等願

如是聖衆悉現前 蒙八梵聲授佛記

一切菩薩增願行 故我頂禮娑伽婆

願其諸衆生往生安樂國

南無至心歸命禮西方向彌陀佛

聖主世尊說法時 大衆雲集七寶堂

聽佛開示咸悟入 歡喜充遍皆得道

于時四面起清風 擊動寶樹出妙響

和韻清徹過系竹 踰於金石無倫比

天華繽紛逐香風 自然供養常不息

諸天復持天華香 百千伎樂用致敬

如是功德三寶聚 故我運想禮講堂

願其諸衆生往生安樂國

南無至心歸命禮西方阿彌陀佛

妙土廣大超數限 自然七寶所合成

佛本願力莊嚴起 稽首清淨大攝受

願共諸衆生往生安樂國

南無至心歸命禮西方阿彌陀佛

世界光曜妙殊絕 適悅宴安無四時

自利利他力圓滿 歸命方便巧莊嚴

寶地澄靜平如掌 無有山川陵谷阻

若佛神力須則見 稽首不可思議尊

願共諸衆生往生安樂國

南無至心歸命禮西方阿彌陀佛

道樹高四百里 周圍由旬有五十

枝葉布里二十萬 自然衆寶所合成

月光摩尼海輪寶 衆寶之王而莊嚴

周匝垂間寶瓔珞 百千萬種色變異

光焰照曜超千日 無極寶網覆其上

一切莊嚴隨應現 稽首頂禮道場樹

願共諸衆生往生安樂國

南無至心歸命禮西方阿彌陀佛

微風吹樹出法音 普流十方諸佛刹

聞斯音得深法忍 至成佛道不遭苦

神力廣大不可量 誓首頂禮道場樹

願其諸衆生往生安樂國

南無至心歸命禮西方阿彌陀佛

樹香樹色樹音聲 樹觸樹味及樹法

六情遇者得法忍 故我頂禮道場樹

願其諸衆生往生安樂國

南無至心歸命禮西方阿彌陀佛

蒙道場樹對六根 乃至成佛根清徹

音響柔順無生忍 隨力淺深咸得證

此樹威德所由來 皆是如來五種力

神力本願及滿足 明了堅固究竟願

慈悲方便不可稱 歸命誓首真無量

願其諸衆生往生安樂國

南無至心歸命禮西方阿彌陀佛

從世帝王至六天 音樂轉妙有八重

展轉勝前億萬倍 寶樹音麗倍亦然  
 復有自然妙伎樂 法音清和悅心神  
 哀婉雅亮超十方 故我誓首清淨樂  
 願共諸衆生往生安樂國

南無至心歸命禮西方阿彌陀佛

七寶樹林周世界 光耀鮮明相映發  
 華果枝葉互互為 誓首本願功德聚

願共諸衆生往生安樂國

南無至心歸命禮西方阿彌陀佛

清風時時吹寶樹 出五音聲宮商和  
 微妙雅曲自然成 故我頂禮清淨薰

願共諸衆生往生安樂國

南無至心歸命禮西方阿彌陀佛

其土廣大無崖際 衆寶羅網遍覆上  
 金縷珠璣奇異珍 不可名寶為校飾  
 周匝四面垂寶鈴 調風吹動出妙法  
 和雅德香常流布 聞者塵勞習不起  
 此風觸身受快樂 如比丘得滅盡定

風吹散華滿佛土 隨色次第不雜亂

華質柔軟烈芬芳 足履其上下四指

隨舉足時還如故 用訖地開沒無遺

隨其時節華六返 不可議報故頂禮

願其諸衆生往生安樂國

南無至心歸命禮西方阿彌陀佛

衆寶蓮華盈世界 一一華百千億葉

其華光明色無量 朱紫紅綠間五色

煒燁煥爛曜日光 是故一心稽首禮

願其諸衆生往生安樂國

南無至心歸命禮西方阿彌陀佛

一一華中所出光 三十六百有千億

一一光中有佛身 多少亦如所出光

佛身相好如金山 一一又放百千光

普爲十方說妙法 各安衆生於佛道

如是神力無邊量 故我歸命阿彌陀

願其諸衆生往生安樂國

南無至心歸命禮西方阿彌陀佛

樓閣殿堂非工造 七寶彫綺化所成  
明月珠璫交露幔 各有浴池形相稱  
八功德水滿池中 色味香潔如甘露  
黃金池者白銀沙 七寶池沙互如此  
池岸香樹垂布上 栴檀芬馥常流馨  
天華璀璨爲映飾 水上熠燿若景雲  
無漏依果難思議 是故瞿首功德藏  
願其諸衆生 往生安樂國

南無至心歸命禮西方阿彌陀佛

菩薩聲聞入寶池 隨意淺深如所欲  
若須灌身自然注 欲令旋復水尋還  
調和冷暖無不稱 神開體悅蕩心垢  
清明澄潔若無形 寶沙映徹如不深  
澹淡迴轉相注灌 婣約容豫和人神  
微波無量出妙響 隨其所應聞法語  
或聞三寶之妙章 或聞寂靜空無我  
或聞無量波羅密 力不共法諸通慧  
或聞無作無生忍 乃至甘露灌頂法

隨根性欲皆歡喜 順三寶相真實義  
 菩薩聲聞所行道 於是一切悉具聞  
 三塗苦難名永閉 但有自然快樂音  
 是故其國號安樂 頭面頂禮無極尊  
 願其諸衆生往生安樂國

南無至心歸命禮西方阿彌陀佛

此一偈直  
佛去卷廿  
抄出

本師龍樹摩訶薩 誕形像始理類綱  
 關閉邪扇開正轍 是閻浮提一切眼  
 伏承尊語歡喜地 歸阿彌陀生安樂

願其諸衆生往生安樂國

南無至心歸命禮西方阿彌陀佛

譬如龍動雲必隨 閻浮提放百卉舒  
 南無慈悲龍樹尊 至心歸命頭面禮

願其諸衆生往生安樂國

南無至心歸命禮西方阿彌陀佛

我從無始循三界 爲虛妄輪所迴轉  
 一念一時所造業 足繫六道滯三塗  
 唯願慈光護念我 令我不失菩提心

已下二偈  
同上抄出



我讚佛惠功德音 願聞十方諸有緣

欲得往生安樂者 普皆如意無障身

所有功德若大小 迴施一切共往生

南無不可思議光 一心歸命誓首禮

願共諸衆生往生安樂國

南無至心歸命禮西方阿彌陀佛

十方三世無量慧 同乘一如号正覺

二智圓滿道平等 攝化隨緣故若干

我歸阿彌陀淨土 即是歸命諸佛國

我以一心讚二佛 願徧十方無身人

如是十方無量佛 咸各至心頭面禮

願共諸衆生往生安樂國

南無至心歸命禮西方阿彌陀佛

哀愍覆護我令法種增長此世及後生願佛常攝受

願共諸衆生往生安樂國

南無至心歸命禮西方極樂世界觀世音菩薩

願共諸衆生往生安樂國

南無至心歸命禮西方極樂世界大勢至菩薩

願其諸衆生往生安樂國

南無至心歸命禮西方極樂世界諸菩薩清淨大海衆

願其諸衆生往生安樂國

普為師僧父母及善知識法界衆生斷除三障同得往生阿彌陀佛國歸命懺悔

讚阿彌陀佛偈

讚一百九十五

禮五十一拜

安樂集卷上

釋道綽撰

此安樂集一部之內總有十二大門皆引經論證明

勸信求往

今先就第一大門內文義雖衆略作九門料簡然後

造文第一明教興所由約時被機勸歸淨土第二據

諸部大乘顯說聽方軌第三據大乘聖教明諸衆生

發心久近供佛多少欲使時會聽衆力勵發心第四

辨諸經宗旨不同第五明諸經得名各異如涅槃般

若經等就法為名自有就喻或有就事亦有就時就處此例非一今此觀經就人法為名佛是人名說觀無量壽是法名也第六料簡說人差別諸經起說不過五種一者佛自說二者聖弟子說三者諸天說四者神仙說五者變化說此觀經者五種說中世尊自說第七略明真應二身并辨真應二土第八顯彌陀淨國位該上下凡聖通往第九明彌陀淨國三界攝與不攝也

明教與下至微有善

第一大門中明教興所由約時被機勸歸淨土者若

法得堅固化土卷本評抄出然畧若教赴等九字又正念經上無是故字又大集經上無是故字

教赴時機易修易悟若機教時乖難修難入是故正法念經云行者一心求道時常當觀察時方便若不時無方便是名為失不名利何者如攢溼木以求火火不可得非時故若折乾薪以覓水水不可得無智故是故大集月藏經云佛滅度後第一五百年我諸弟子學慧得堅固第二五百年學定得堅固第三五百年學多聞讀誦得堅固第四五百年造立塔寺修福懺悔得堅固第五五百年白法隱滯多有評訟微有善法得堅固又彼經云諸佛出世有四種法度

第五字下祖本無五字

計今時下  
至悔人也  
同上抄出  
然一念上  
無等字

採集已下  
至死海故  
化土卷末  
終抄山然  
後去作後  
生

衆生何等爲四一者口說十二部經卽是法施度衆  
生二者諸佛如來有無量光明相好一切衆生但能  
繫心觀察無不獲益是卽身業度衆生三者有無量  
德用神通道力種種變化卽是神通力度衆生四者  
諸佛如來有無量名號若總若別其有衆生繫心稱  
念莫不除罪獲益皆生佛前卽是名號度衆生計今  
時衆生卽當佛去世後第四五百年正是懺悔修福  
應稱佛名號時者若一念稱阿彌陀佛卽能除卻八  
十億劫生死之罪一念既爾況修常念卽是恆懺悔

人也又若太聖近卽前者修定修慧是其正學後者  
是兼如太聖已遠則後者稱名是正前者是兼何意  
然者寔由衆生太聖遙遠機解浮淺暗鈍故也是以  
韋提大士自爲及哀愍末世五濁衆生輪迴多劫徒  
受痛燒故能假遇苦緣諮開出路豁然大聖加慈勸  
歸極樂若欲於斯進趣勝果難階唯有淨土一門可  
以情恡趣入若欲披尋衆典勸處彌多遂以採集眞  
言助修往益何者欲使前生者導後後去者訪前連  
續無窮願不休止爲盡無邊生死海故

據諸部下  
至生佛前  
信卷未杜  
抄出然中  
略於中等  
六字

第二據諸部大乘明說聽方軌者於中有六第一大  
 集經云於說法者作醫王想作拔苦想所說之法作  
 甘露想作醍醐想其聽法者作增長勝解想作愈病  
 想若能如是說者聽者皆堪紹隆佛法常生佛前第  
 三大智度論云聽者端視如渴飲一心入於語議中聞  
 法踊躍心悲喜如是之人應為說第三彼論又云有  
 二種人得福無量無邊何等為二一者樂說法人二  
 者樂聽法人是故阿難白佛言舍利弗目連何以所  
 得智慧神通於聖弟子中最為殊勝佛告阿難此之  
 二人於因中時為法因緣千里不難是故今日最為  
 殊勝第四無量壽大經云若人無善本不得聞此經  
 清淨有戒者乃獲聞正法第五云曾更見世尊則能  
 信此事奉事億如來樂聞如是教第六無量清淨覺  
 經云善男子善女人聞說淨土法門心生悲喜身毛  
 為豎如拔出者當知此人過去宿命已作佛道也若  
 復有人聞開淨土法門都不生信者當知此人始從  
 三惡道來殃咎未盡為此無信向耳我說此人未可  
 得解脫也是故無量壽大經云憍慢弊懈怠難以信

此法

第三據大乘聖教明衆生發心久近供佛多少者如  
涅槃經云佛告迦葉菩薩若有衆生於熙連半恆河  
沙等諸佛所發菩提心然後乃能於惡世中聞是大  
乘經典不生誹謗若有於一恆河沙等佛所發菩提  
心然後乃能於惡世中聞經不起誹謗滋生愛樂若  
有於二恆河沙等佛所發菩提心然後乃能於惡世  
中不誹是法正解信樂受持讀誦若有於三恆河沙  
等佛所發菩提心然後乃能於惡世中不誹是法書  
寫經卷雖爲人說未解深義何以故須如此教量者  
爲彰今日座下聞經者曾已發心供養多佛也又顯  
大乘經之威力不可思議是故經云若有衆生聞是  
經典億百千劫不墮惡道何以故是妙經典所流布  
處當知其地卽是金剛是中諸人亦如金剛故知聞  
經生信者皆獲不可思議利益也

第四次辨諸經宗旨不同者若依涅槃經佛性爲宗  
若依維摩經不可思議解脫爲宗若依般若經空慧  
爲宗若依大集經陀羅尼爲宗今此觀經以觀佛三

今勸已下  
至王故也  
行卷能抄

昧為宗若論所觀不過依正二報如下依諸觀所辨  
 若依觀佛三昧經云佛告父王諸佛出世有三種益  
 一者口說十二部經法施利益能除衆生無明暗翳  
 開智慧眼生諸佛前早得無上菩提二者諸佛如來  
 有身相光明無量妙好若有衆生稱念觀察若總相  
 若別相無問佛身現在過去皆能除滅衆生四重五  
 逆永背二途隨意所樂常生淨土乃至成佛三者令  
 勸父王行念佛三昧父王白佛佛地果德真如實相  
 第一義空何因不遺弟子行之佛告父王諸佛果德  
 有無量深妙境界神通解脫非是凡夫所行境界故  
 勸父王行念佛三昧父王白佛念佛之功其狀云何  
 佛告父王如伊蘭林方四十由旬有一科牛頭梅檀  
 雖有根芽猶未出土其伊蘭林唯臭無香若有噉其  
 花果發狂而歿後時梅檀根芽漸漸生長纔欲成樹  
 香氣昌盛遂能改變此林晉皆香美衆生見者皆生  
 希有心佛告父王一切衆生在生死中念佛之心亦  
 復如是但能繫念不止定生佛前一得往生即能改  
 變一切諸惡成大慈悲加彼香樹改伊蘭林所言伊

安樂集卷上

五

亦應一切  
下祖本無  
可字  
又一念之  
力作一念  
之功力

蘭林者喻衆生身內三毒三障無邊重罪言稱檀者  
喻衆生念佛之心纏欲成樹者謂一切衆生但能積  
念不斷業道成辦也問曰計一切衆生念佛之功亦  
應一切可知何因一念之力能斷一切諸障如下香  
樹改四十由旬伊蘭林悉使香美也答曰依諸部大  
乘顯念佛三昧功能不可思議也何者如華嚴經云  
譬如有人用師子筋筋以爲琴絃音聲一奏一切餘絃  
悉皆斷壞若人菩提心中行念佛三昧者一切煩惱  
一切諸部悉皆斷滅亦如有人構取牛羊驢馬一切

持祖本作  
將

餘人祖本  
作餘行

隨所詣處  
祖本作隨  
諸處又  
兩作念

諸乳置一器中若持師子乳一滯投之直過無難一  
切諸乳悉皆破壞變爲清水若人但能菩提心中行  
念佛三昧者一切惡魔諸部直過無難又彼經云譬  
如有人持翳身藥處處遊行一切餘人不見是人若  
能菩提心中行念佛三昧者一切惡神一切諸部不  
見是人隨所詣處無能遮障也何故能爾此念佛三  
昧卽是一切三昧中王故也  
第七略明三身二土義問曰今現在阿彌陀佛是何身  
極樂之國是何土答曰現在彌陀是報佛極樂寶莊嚴



國是報土然古舊相傳皆云阿彌陀佛是化身土亦是  
化土此爲大失也若爾者穢土亦化身所居淨土亦化  
身所居者未審如來報身更依何土也今依大乘同性  
經辨定報化淨穢者經云淨土中成佛者悉是報身穢  
土中成佛者悉是化身彼經云阿彌陀如來蓮華開敷  
星王如來龍主王如來寶德如來等諸如來清淨佛刹  
現得道者當得道者如是一切皆是報身佛也何者如  
來化身由如今日踊步健如來魔恐怖如來如是等  
一切如來穢濁世中如現成佛者當成佛者從兜率  
下乃至住持一切正法一切像法一切末法如是化  
事皆是化身佛也何者如來法身如來真法身者無  
色無形無現無著不可見無言說無住處無生無滅  
是名真法身義也問曰如來報身常住云何觀音授  
記經云阿彌陀佛入涅槃後觀世音菩薩次補佛處  
也答曰此是報身示現隱沒相非滅度也彼經云阿  
彌陀佛入涅槃後復有深厚善根衆生還見如故卽  
其證也又寶性論云報身有五種相說法及可見諸  
業不休息及休息隱沒示現不實體卽其證也問曰

釋迦如來報身報土在何方也答曰涅槃經云西方  
去此四十二恆河沙佛土有世界名曰無勝彼土所  
有莊嚴亦如西方極樂世界等無有異我於彼土出  
現於世爲化衆生故來在此娑婆國土但我出此  
土一切如來亦復如是卽其證也問曰鼓音經云阿  
彌陀佛有父母明知非是報佛報土也答曰子但聞  
名不究尋經旨致此疑可謂錯之毫毛失之千里然  
阿彌陀佛亦具三身極樂出現者卽是報身今言有  
父母者是穢土中示現化身父母也亦如釋迦如來  
淨土中成其報佛應來此方示有父母成其化佛阿  
彌陀佛亦復如是又如鼓音聲經云爾時阿彌陀佛  
與聲聞衆俱國號清泰聖王所住其城縱廣十千由  
旬阿彌陀佛父是轉輪聖王王名月上母名殊勝妙  
顏魔王名無勝佛子名月明提婆達多名寂意給侍  
弟子名無垢稱又上來所引竝是化身之相若是淨  
土豈有輪王及城女人等也此卽文義眇然何待分  
別皆不善尋究致使迷名生執也問曰若報身有隱  
沒休息相者亦可淨土有成壞事答曰如斯難者自

古將今義亦難通雖然今敢引經爲證義亦可知譬如佛身常住衆生見有涅槃淨土亦爾體非成壞隨衆生所見有成有壞如華嚴經云由如見導師種種無量色隨衆生心行見佛刹亦是故淨土論云一質不成故淨穢有虧盈異質不成故搜原則冥一無質不成故緣起則萬形故知若據法性淨土則不論清濁若據報化大悲則非無淨穢也又汎明佛土對機感不同有其三種差別一者從真垂報名爲報土猶如日光照四天下法身如日報化如光二者無而忽有名之爲化卽如四分律云錠光如來化提婆城與拔提城相近共爲親婚往來後時忽然化火燒卻令諸衆生覩此無常莫不生厭歸向佛道也是故經云或現劫火燒天地皆洞然衆生有常想照令知無常或爲濟貧乏現立無盡藏隨緣廣開導令發菩提心三者隱穢顯淨如維摩經佛以足指按地三千刹土莫不嚴淨今此無量壽國卽是從真垂報國也何以得知依觀音授記經云未來觀音成佛替阿彌陀佛處故知是報也

第八明彌陀淨國位該上下凡聖通往者今此無量  
壽國是其報淨土由佛願故乃該通上下致令凡夫  
之善竝得往生由該上故天親龍樹及上地菩薩亦  
皆生也是故大經云彌勤菩薩問佛未知此界有幾  
許不退菩薩得生彼國佛言此娑婆世界有六十七  
億不退菩薩皆當往生若欲廣引餘方皆爾問曰彌  
陀淨國既云位該上下無問凡聖皆通往者未知唯  
修無相得生爲當凡夫有相亦得生也答曰凡夫智  
淺多依相求決得往生然以相善力微但生相土唯  
觀報化佛也是故觀佛三昧經菩薩本行品云文殊  
師利白佛言當知我念過去無量劫數爲凡夫時彼  
世有佛名寶威德上主如來彼佛出時與今無異彼  
佛亦長丈六身紫金色說三乘法如釋迦文爾時彼  
國有大長者名一切施長者有子名曰戒護子在母  
胎時母以敬信故預爲其子受三歸依子旣生已年  
至八歲父母請佛於家供養童子見佛爲佛作禮敬  
佛心重目不暫捨一見佛故卽得除卻百万億那由  
他劫生灰之罪從是以後常生淨土卽得值遇百億

那由他恆河沙佛是諸世尊亦以相好度脫衆生爾時童子一一親侍間無空缺禮拜供養合掌觀佛以因緣力故復得值遇百方阿僧祇佛彼諸佛等亦以色身相好化度衆生從是以後卽得百千億念佛三昧門復得阿僧祇陀羅尼門旣得此已諸佛現前乃爲說無相法須臾之間得首楞嚴三昧時彼童子但受三歸一禮佛故諦觀佛身心無疲厭由此因緣值無數佛何沉繫念具足思惟觀佛色身時彼童子豈異人乎是我身也爾時世尊讚文殊言善哉善哉汝以一禮佛故得值無數諸佛何況未來我諸弟子勲觀佛者勲念佛者佛敕阿難汝持文殊師利語徧告大衆及未來世衆生若能禮佛者若能念佛者若能觀佛者當知此人與文殊師利等無有異捨身他世文殊師利等諸菩薩爲其和上以此文證故知淨土該通相土往生不謬若知無相離念爲體而緣中求往者多應上輩生也是故天親菩薩論云若能觀二十九種莊嚴清淨卽略入一法句一法句者謂清淨句清淨句者卽是智慧無爲法身故故須廣略相

入者但諸佛菩薩有二種法身一者法性法身一者方便法身由法性法身故生方便法身由方便法身故顯出法性法身此二種法身異而不可分一而不可同是故廣略相入菩薩若不知廣略相入則不能自利利他無爲法身者卽法性身也法性寂滅故卽法身無相也法身無相故則能無不相是故相好莊嚴卽是法身也法身無知故則能無不知是故一切種智卽是眞實智慧也雖知就緣觀總別二句莫非實相也以知實相故卽知三界衆生虛妄相也以知三界衆生虛妄故卽起眞實慈悲也以知眞實慈悲故卽起眞實歸依也今之行者無問縑素但能知生無生不違二諦者多應落在上輩生也

第九明彌陀淨國三界攝與不攝問曰安樂國土於三界中何界所攝答曰淨土勝妙體出世間此三界者乃是生歿凡夫之閻宅雖復苦樂少殊脩短有異統如觀之莫非有漏之長津倚伏相乘循環無際雜生觸受四倒長溝且目且果虛僞相習淺可厭也是故淨土非三界攝又依智度論云淨土界報無欲故

非欲界地居故非色界有形色故非無色界雖言地  
 居精勝妙絕是故天親論云觀彼世界相勝過三界  
 道究竟如虛空廣大無邊際是故大經讚云妙土廣  
 大超數限自然七寶所合成佛本願力莊嚴起稽首  
 清淨大攝受世界光耀妙殊絕通悅晏安無四時自  
 利利他力圓滿歸命方便巧莊嚴

第二大門中有三番料簡第一明發菩提心第二破  
 果見邪執第三廣施問答釋去疑情就初發菩提心  
 內有四番一出菩提心功用二出菩提名體三顯發

大經已下  
 至以有論  
 信卷末  
 抄出

通周舉  
 作周徧  
 略此心  
 意等八字  
 又一發  
 無此字  
 有論作  
 輪

心有異四問答解釋第一出菩提心功用者大經云  
 凡欲往生淨土要須發菩提心為源云何菩提者乃  
 是無上佛道之名也若欲發心作佛者此心廣大徧  
 周法界此心究竟等若虛空此心長遠盡未來際此  
 心晉備離二乘障若能一發此心傾無始生處有淪  
 所有功德迴向菩提皆能遠詣佛果無有失滅譬如  
 寄花五淨風日不萎附水靈河世旱無竭第二出菩  
 提名體者然菩提有二種一者法身菩提二者報身  
 菩提三者化身菩提也言法身菩提者所謂真如實

相第一義空自性清淨體無穢染理出天真不假修  
成名爲法身佛道體本名曰菩提言報身菩提者備  
修萬行能感報佛之果以果酬因名曰報身圓通無  
礙名曰菩提言化身菩提者謂從報起用能趣萬機  
名爲化身益物圓通名曰菩提第二顯發心有異者  
今謂行者修回發心具其三種一者要須識達有無  
從本已來自性清淨二者緣修萬行八萬四千諸波  
羅蜜門等三者太慈悲爲本恆擬運度爲懷此之三  
回能與大菩提相應故名發菩提心又據淨土論云  
今言發菩提心者卽是願作佛心願作佛心者卽是  
度衆生心度衆生心者卽攝取衆生生有佛國土心  
今旣願生淨土故先須發菩提心也第四問答解釋  
者問曰若備修萬行能感菩提得成佛者何故諸法  
無行經云若人求菩提卽無有菩提是人遠菩提猶  
如天與地答曰菩提正體理求無相今作相求不當  
理實故名入遠也是故經言菩提者不可以心得不  
可以身得也今謂行者雖知修行往求了了識知理  
體無求仍不壞假名是故備修萬行故能感也是故



大智度論云若人見般若若不見般若  
是亦為被縛若人見般若若不見般若  
是亦為解脫龍樹菩薩釋曰是中不離四句者為縛  
離四句者為解今祈菩提但能如此修行即是不行  
而行不行而行者不違一諦大道理也又依天親淨  
土論云凡欲發心會無上菩提者有其二義一者先  
須離三種與菩提門相違法二者須知三種順菩提  
門法何等為二一者依智慧門不求自樂遠離我心  
貪著自身故二者依慈悲門拔一切眾生苦遠離無  
安眾生心故三者依方便門憐愍一切眾生心遠離  
恭敬供養自身心故是名遠離三種菩提門相違法  
順菩提門者菩薩遠離如是三種菩提門相違法即  
得三種隨順菩提門法何等為二一者無染清淨心  
不為自身求諸樂故菩提是無染清淨處若為自身  
求樂即違菩提門是故無染清淨心是順菩提門二  
者安清淨心為拔一切眾生苦故菩提安穩一切眾  
生清淨處若不作心拔一切眾生離生死苦即便違  
菩提是故拔一切眾生苦是順菩提門三者樂清淨

心欲令一切眾生得大菩提故攝取眾生彼國土  
故菩提是畢竟常樂處若不令一切眾生得畢竟常  
樂者則違菩提門此畢竟常樂依何而得要依大義  
門大義門者謂彼安樂佛國是也故令一心專至願  
生彼國欲使早會無上菩提也

第二明破異見邪執者就中有其九番第一破妄計  
大乘無相異見偏執第二會通菩薩愛見大悲第三  
破繫心外無法第四破願生穢國不願往生淨土第  
五破若生淨土多喜著樂第六破求生淨土非是小

乘第七破求生兜率勸不歸淨土第八會通若求生  
十方淨土不如歸西第九料簡別時之意第一破大  
乘無相妄執者就中有二一總生起欲令後代學者  
明識是非去邪向正第二廣就繫情顯正破之一總  
生起者然大乘深藏名義塵沙是故涅槃經云一名  
無量義一義無量名要須徧審眾典方曉部旨非如  
小乘俗書案文畢義何意須然但淨土幽廓經論隱  
顯致令凡情種種圖度恐涉諂語刁刁百肯偏執雜  
亂無知妨礙往生今且舉少狀一一破之第一破妄

計大乘無相者問曰或有人言大乘無相勿念彼此若願生淨土便是取相轉增漏縛何用求之答曰如此計者將謂不然何者一切諸佛說法要具二緣一依法性實理二須順其二諦彼計大乘無念但依法性然謫無緣求卽是不順二諦如此見者墮滅空所收是故無上依經云佛告阿難一切衆生若起我見如須彌山我所不懼何以故此人雖未卽得出離常不壞因果不失果報故若起空見如芥子我卽不許何以故此見者破墮曰果多墮惡道未來生處必背我化今勤行者理雖無生然二諦道理非無緣求一切得往生也是故維摩經云雖觀諸佛國及與衆生空而常修淨土教化諸羣生又彼經云雖行無作而現受身是菩薩行雖行無起而起一切善行是菩薩行是其真證也問曰今世間有人行大乘無相亦不存彼此全不護戒相是事云何答曰如此計者爲害滋甚何者如大方等經云佛爲優婆塞制戒不得至寡婦處女家沽酒家藍染家押油家熟皮家悉不得往來阿難白佛言世尊爲何等人制如斯戒佛告

阿難行者有二種一者在世人行二者出世人行出  
世人者吾不制上事在世入者吾今制之何以故一  
切衆生悉是吾子佛是一切衆生父母遮制約勒早  
出世間得涅槃故第二會通菩薩愛見大悲者問曰  
依大乘聖教菩薩於諸衆生若起愛見大悲卽應捨  
離今勸衆生共生淨土豈非愛深取相若爲免其塵  
累也答曰菩薩行法功用有二何者一證空慧般若  
二具大悲一以修空慧般若力故雖入六道生或不  
爲塵深所繫二以大悲念衆生故不住涅槃菩薩雖  
處二諦常能妙捨有無取捨得中不違大道理也是  
故維摩經云譬如有人欲於空地造立官舍隨意無  
礙若於虛空終不能成菩薩亦如是爲欲成就衆生  
故願取佛國願取佛國者非於空也第三破繫心外  
無法者就中有二一破計情二問答解釋問曰或有  
人言所觀淨境約就內心淨土融通心淨卽是心外  
無法何須西入答曰但法性淨土理處虛融體無偏  
局此乃無生之生上士堪入是故無字寶篋經云善  
男子復有二法是佛所覺所謂諸法不去不來無自

無緣無生無滅無思無不思無增無減佛告羅睺羅  
言汝今受持我此所說正法義不爾時十方有九億  
菩薩卽白佛言我等皆能持此法門當爲衆生流通  
不絕世尊答言是善男子等則爲兩肩荷擔菩提彼  
人卽得不斷辨才得善清淨諸佛世界命終之時卽  
得現見阿彌陀佛與諸聖衆往其人前得往生也自  
有中下之輩未能破相要依信佛曰緣求生淨土雖  
至彼國還居相土又云若攝緣從本卽是心外無法  
若分二諦明義淨土無妨是心外法也二問答解釋

問曰向言無生之生唯上士能入中下不堪者爲當  
直將人約法作如此判爲當亦有聖教來證答曰依  
智度論云新發意菩薩機解輒弱雖言發心多願生  
淨土何意然者譬如嬰兒若不近父母思養或墮阨  
落井火蛇等難或乏乳而歿要假父母摩洗養育方  
可長大能紹繼家業菩薩亦爾若能發菩提心多願  
生淨土親近諸佛增長法身方能匡紹菩薩家業十  
方濟運爲斯益故多願生也又彼論云譬如鳥子翅  
翮未成不可逼令高翔先須依林傳樹羽成有力方

可捨林遊空新發意菩薩亦爾先須乘願求生佛前  
法身成長隨感赴益又阿難白佛言此無相波羅蜜  
在何處說佛言如此法門在阿毗跋致地中說何以  
故有新發意菩薩聞此無相波羅蜜門所有清淨善  
根悉當滅沒也又來但至彼國卽一切事畢何用諍  
此深淺理也第四破願生穢土不願生淨土者問曰  
或有人言願生穢國教化衆生不願往生淨土是事  
云何答曰此人亦有一徒何者若身居不退已去爲  
化雜惡衆生故能處深不染逢惡不變如鵝鴨入水  
水不能溼如此人等堪能處穢拔苦若是實凡夫者  
唯恐自行未立逢苦卽變欲濟彼者相與俱沒如似  
逼鷄入水豈能不溼是故智度論云若凡夫發心卽  
願在穢土拔濟衆生者聖意不許何意然者龍樹菩  
薩釋云譬如四十里冰如有一人以一升熱湯投之  
當時似如少減若經夜至明乃高於餘者凡夫在此  
發心救苦亦復如是以貪瞋境界違順多故自起煩  
惱返墮惡道故也第五破若生淨土多喜著樂者問  
曰或有人言淨土之中唯有樂事多喜著樂妨廢修

道何須願往生也答曰既云淨土無有衆穢若言著樂便是貪愛煩惱何名爲淨是故大經云彼國人天往來進止情無所繫又四十八願云十方人天來至我國若起想念貪計身者不取正覺大經又云彼國人天無所適莫何有著樂之理也第六破求生淨土非是小乘問曰或有人言求生淨土便是小乘何須修之答曰此亦不然何以故但小乘之教一向不明生淨土故也第七會通願生兜率勸歸淨土者問曰或有人言願生兜率不願歸西是事云何答曰此義不類少分似同據體大別有其四種何者一彌勒世尊爲其天衆轉不退法輪聞法生信者獲益名爲信同著樂無信者其數非一又來雖生兜率位是退處是故經云三界無安猶如火宅二往生兜率正得壽命四千歲命終之後不免退落三兜率天上雖有水鳥樹林和鳴哀雅但與諸天生樂爲緣順於五欲不資聖道若向彌陀淨國一得生者悉是阿毗跋致更無退人與其雜居又復位是無漏出過三界不復輪迴論其壽命卽與佛齊非算數能知其有水鳥樹林

皆能說法令人悟解證會無生四據本經且以下種  
音樂比校者經讚言從世帝王至六天音樂轉妙有  
八重展轉勝前億万倍寶樹音麗倍亦然復有自然  
妙伎樂法音清和悅心神哀婉雅亮超十方是故稽  
首清淨勲第八校量願生十方淨土不知歸西方者  
問曰或有人言願生十方淨國不願歸西方是義云  
何答曰此義不類於中有三何者一十方佛國非爲  
不淨然境寬則心昧境狹則意專是故十方隨願往  
生經云普廣菩薩白佛言世尊十方佛土皆爲嚴淨  
何故諸經中偏歎西方阿彌陀國勸往生也佛告普  
廣菩薩一切衆生濁亂者多正念者少欲令衆生專  
志有在是故讚歎彼國爲別異耳若能依願修行莫  
不獲益二十方淨土雖皆是淨而深淺難知彌陀淨  
國乃是淨土之初門何以得知依華嚴經云娑婆世  
界一劫當極樂世界一日一夜極樂世界一劫當衆  
娑幢世界一日一夜如是優劣相望乃有十阿僧祇  
故知爲淨土初門是故諸佛偏勸也餘方佛國都不  
如此丁寧是故有信之徒多願往生也三彌陀淨國



既是淨土初門娑婆世界即是穢土末處何以得知  
如正法念經云從此東北有一世界名曰斯訶土田  
唯有三角沙石一年三雨一雨溼潤不過五寸其土  
衆生唯食菓子樹皮爲衣求生不得求死不得復有  
一世界一切虎狼禽獸乃至虵蝎悉皆有翅飛行逢  
者相噉不簡善惡此豈不名穢土始處然娑婆依報  
乃與賢聖同流唯此乃是穢土終處安樂世界既是  
淨土初門卽與此方境次相接往生甚便何不去也  
第九據攝論與此經相違料簡別時意語者今觀經

中佛說下品生人現造重罪臨命終時遇善知識十  
念成就卽得往生依攝論云道佛別時意語又古來  
通論之家多判此文云臨終十念但得作往生曰未  
卽得生何以得知論云如以一金錢買得千金錢非  
一日卽得故知十念成就者但得作曰未卽得生故  
名別時意語如此解者將爲未然何者凡菩薩作論  
釋經皆欲遠扶佛意契會聖情若有論文違經者無  
有是處今解別時意語者謂佛常途說法皆明先曰  
後果理數炳然今此經中但說一生造罪臨命終時

十念成就即得往生不論過去有因無因都盡是世尊引接當來造惡之徒令其臨終捨惡歸善乘念往生是以隱其宿因此是世尊隱始顯終沒因談果名作別時意語何以得知但使十念成就皆有過去因如涅槃經云若人過去已曾供養半恆河沙諸佛復經發心而能於惡世中聞說大乘經教但能不謗末有餘功若經供養一恆河沙諸佛及經發心然後聞大乘經教非直不謗復加愛樂以此諸經來驗明知十念成就者皆有過因不虛若彼過去無因者善知識尚不可逢遇何況十念而可成就也論云以一金錢買得千金錢非一日即得者若據佛意欲令眾生多積善曰便乘念往生若望論主乘閉過去因理亦無爽若作此解即上順佛經下合論意即是經論相扶往生路通無復疑惑也

第三明廣施問答釋去疑情者自下就大智度論廣施問答問曰但一切眾生從曠大劫來備造有漏之業繫屬三界云何不斷三界繫業直爾少時念阿彌陀佛即得往生使出三界者此繫業之義復欲云何

答曰有二種解釋一就法來破二借喻以顯言就法者諸佛如來有不思議智大乘廣智無等無倫最上勝智不思議智力者能以少作多以多作少以近爲遠以遠爲近以輕爲重以重爲輕有如是等智無量無邊不可思議自下第二有七番竝借喻以顯第一譬如百夫百年聚薪積高千仞豆許火焚半日便盡豈可得言百年之薪半日不盡也第二譬如癩者寄載他船因風帆勢一日至於千里豈可得言癩者云何一日至千里也第三亦如下賤貧人獲一瑞物而以貢王王慶所得如諸重賞斯須之頃富貴盈望豈可得言以數十年仕備盡辛勤上下尚不達而歸者言彼富貴無此事也第四猶如劣夫以己身力擲驢不上若從輪王行便乘虛空飛騰自在豈可得言以劣夫之力必不能昇虛空也第五又如十圍之索千夫不制童子揮劍儵尔兩分豈可得言童子之力不能斷索也第六又如鳩鳥入水魚鱗斯斃皆以犀角觸泥灰者還活豈可得言性命一斷不可生也第七亦如黃鵠喚子安子安還活豈可得言墳下千齡決

無可礙也一切萬法皆有自力他力自攝他攝千開  
刃閉無量無邊汝豈得以有礙之識疑彼無礙之法  
乎又五不思議中佛法最不可思議汝以三界繫業  
為重疑彼少時念佛為輕不得往生安樂國入正定  
聚者是事不然問曰大乘經云業道如秤重處先牽  
云何衆生一形已來或百年或十年乃至今日無惡  
不造云何臨終遇善知識十念相續即得往生若爾  
者先牽之義何以取信答曰汝謂一形惡業為重以  
下品人十念之善以為輕者今當以義按量輕重之  
義者正明在心在緣在決定不在時節久近多少也  
云何在心謂彼人造罪時自依止虛妄顛倒心生此  
十念者依善知識方便安穩聞實相法生一實一虛  
豈得相比也何者譬如千歲闍室光若暫至即便明  
朗豈可得言闍在室千歲而不去也是故遺日摩尼  
寶經云佛告迦葉菩薩衆生雖復數千巨億万劫在  
愛欲中為罪所覆若聞佛經一及念善罪即消盡也  
是名在心二云何在緣者謂彼人造罪時自依止妄  
想依煩惱果報衆生生今此十念者依止無上信心

依阿彌陀如來真實清淨無量功德名號生譬如有人被毒箭所中徹筋破骨若聞滅除藥鼓聲即箭出毒除豈可得言彼箭深毒厲聞鼓音聲不能拔箭去毒也是名在緣三云何在決定者彼人造罪時自依止有後心有間心生今此十念者依止無後心無間心起是為決定又智度論云一切衆生臨終之時刀風解形或苦來逼生大怖畏是故遇善知識發大勇猛心心相續十念即是增上善根便得往生又如有入對敵破陳一形之力一時盡用其十念之善亦如是也又若人臨終時生一念邪見增上惡心即能傾三界之福即入惡道也問曰既云垂終十念之善能傾一生惡業得生淨土者未知幾時為十念也答曰如經說云百一十生滅成一刹那六十刹那以為一念此依經論沉解念也今時解念不取此時節但憶念阿彌陀佛若總相若別相隨所緣觀運於十念無他念想間雜是名十念又云十念相續者是聖者一數之名耳但能積念凝思不緣他事使業道成辨便罷不用亦未勞記之頭數也又云若久行人念多應依

十念相續  
下至依聖  
放行卷碑  
抄出然便  
羅下無不  
用二字又  
未字作不

是也又若人臨終時生一念邪見增上惡心即能傾三界之福即入惡道也問曰既云垂終十念之善能傾一生惡業得生淨土者未知幾時為十念也答曰如經說云百一十生滅成一刹那六十刹那以為一念此依經論沉解念也今時解念不取此時節但憶念阿彌陀佛若總相若別相隨所緣觀運於十念無他念想間雜是名十念又云十念相續者是聖者一數之名耳但能積念凝思不緣他事使業道成辨便罷不用亦未勞記之頭數也又云若久行人念多應依

此若始行人念者記數亦好此亦依聖教又問曰今欲依勸行念佛三昧未知計念相狀何似答曰譬如有人於空曠迴處值遇怨賊拔刀奮勇直來欲殺此人徑走視渡一河未及到河卽作此念我至河岸爲脫衣渡爲著衣浮若脫衣渡唯恐無暇若著衣浮復畏首領難全爾時但有一心作渡河方便無餘心想間雜行者亦爾念阿彌陀佛時亦如彼人念渡念念相次無餘心想間雜或念佛法身或念佛神力或念佛智慧或念佛毫相或念佛相好或念佛本願稱名亦爾但能專至相續不斷定生佛前今勸後代學者若欲會其二諦但知念念不可得卽是智慧門而能繫念相續不斷卽是功德門是故經云菩薩摩訶薩恆以功德智慧以修其心若始學者未能破相但能依相專至無不往生不須疑也又問曰無量壽大經云十方衆生至心信樂欲生我國乃至十念若不生者不取正覺今有世人聞此聖教現在一形全不作業擬臨終時方欲修念是事云何答曰此事不類何者經云十念相續似若不難然諸凡夫心如野馬識

劇後猴馳騁六塵何曾停息各須空發信心預自剋  
念使積習成性善根堅固也如佛告太王人積善行  
死無惡念如樹先傾倒必隨曲也若刀風一至百苦  
湊身若習先不在懷念何可辨各宜同志三五預結  
言要臨命終時迭相開曉為稱彌陀名號願生安樂  
國聲聲相次使成十念也譬如蠟印印泥印壞文成  
此命斷時卽是生安樂國時一入正定聚更何所憂  
各宜量此大利何不預剋念也又問曰諸大乘經論  
皆言一切衆生畢竟無生猶若虛空云何天親龍樹  
菩薩皆願往生也答曰言衆生畢竟無生如虛空者  
有二種義一者如凡夫人所見實衆生實生死等若  
據菩薩往生畢竟如虛空如兔角二者今言生者是  
因緣生因緣生故卽是假名生假名生故卽是無生  
不違大道理也非如凡夫謂有實衆生實生死也又  
問曰夫生爲有本乃是衆累之元若知此過捨生求  
無生者可有脫期今旣勸生淨土卽是棄生求生生  
何可盡答曰然彼淨土乃是阿彌陀如來清淨本願  
無生之生非如三有衆生愛深虛妄執著生也何以

故夫法性清淨畢竟無生而言生者得生者之情耳  
又問曰如上所言知生無生當上品生者若爾下品  
生人乘十念往生者豈非取實生也若實生者卽墮  
二疑一恐不得往生二謂此相善不能與無生爲因  
也答曰釋有三番一譬如淨摩尼珠置之濁水以珠  
威力水卽激清若人雖有無量生處罪濁若聞阿彌  
陀如來至極無生清淨寶珠名號投之濁心念念之  
中罪滅心淨卽便往生二如淨摩尼珠以玄黃帛裹  
投之於水水卽玄黃一如物色彼清淨佛土有阿彌  
陀如來無上寶珠名號以無量功德成就帛裹投之  
所往生者心水之中豈不能轉生爲無生智乎三亦  
如冰上然火火猛則冰液冰液則火滅彼下品往生  
人雖不知法性無生但以稱佛名力作往生意願生  
彼土旣至無生界時見生之火自然而滅也又問曰  
依何身故說往生也答曰於此間假名人中修諸行  
門前念與後念作因穢土假名人淨土假名人不得  
決定一不得決定異前心後心亦如是何以故若決  
定一則無因果若決定異則非相續以是義故橫豎



雖別始終是一行者也又問曰若人但能稱佛名號能除諸障者若爾譬如有人以指指月此指應能破闇也答曰諸法万差不可一槩何者自有名卽法自有名異法有名卽法者如諸佛菩薩名號禁呪音辭修多羅章句等是也如禁呪辭曰日出東方乍赤乍黃假今酉亥行禁患者亦愈又如有人被狗所齧炙虎骨敷之患者卽愈或時無骨好擷掌摩之口中喚言虎來虎來患者亦愈或復有人患脚轉筋炙木瓜枝敷之患者卽愈或無木瓜炙手磨之口喚木瓜木瓜患者亦愈吾身得其効也何以故以名卽法故有名異法者如以指指月是也又問曰若人但稱念彌陀名號能除十方衆生無明黑闇得往生者然有衆生稱名憶念而無明猶在不滿所願者何意答曰由不如實修行與名義不相應故也所以者何謂不知如來是實相身是爲物身復有三種不相應一者信心不淳若存若亾故二者信心不一謂無決定故三者信心不相續謂餘念間故迭相收攝若能相續則是一心但能一心卽是淳心具此三心若不生者無有

是處

第三大門中有四番料簡第一辨難行道易行道第二明時劫大小不同第三明從無始世劫已來處此三界五道乘善惡二業受苦樂兩報輪迴無窮受生無數第四將聖教證成勸後代生信求往

第一辨難行道易行道者於中有二一出二種道二問答解釋余既自居次界實想懷怖仰惟大聖三車招慰且羊鹿之運權息未達佛訶邪執鄣上求菩提縱後迴向仍名迂迴若徑攀大車亦是一途只恐現

居退位嶮徑遙長自德未立難可昇進是故龍樹菩薩云求阿毗跋致有二種道一者難行道二者易行道言難行道者謂在五濁之世於無佛時求阿毘跋致為難此難乃有多途略述有五何者一者外道相善亂菩薩法二者聲聞自利鄣大慈悲三者無顧惡人破他勝德四者有人天顛倒善果壞人梵行五者唯有自力無他力持如斯等事觸目皆是譬如陸路步行則苦故曰難行道言易行道者謂以信佛因緣願生淨土起心立德修諸行業佛願力故即便往

生以佛力住持卽入大乘正定聚正定聚者卽是阿毗跋致不退位也譬如水路乘船則樂故名易行道也問曰菩提是一修因亦應不二何故在此修因向佛果名爲難行往生淨土期大菩提乃名易行道也答曰諸大乘經所辨一切行法皆有自力他力自攝他攝何者自力譬如有人怖畏生死發心出家修定發通遊四天下名爲自力何者他力如有劣夫以己身力擲驢不上若從輪王卽便乘空遊四天下卽輪王威力故名他力衆生亦爾在此起心立行願生淨土此是自力臨命終時阿彌陀如來光臺迎接遂得往生卽爲他力故太經云十方人天欲生我國者莫不皆以阿彌陀如來本願業力爲增上緣也若不如是四十八願便是徒設語後學者既有他力可乘不得自局已分徒在空宅也

第二明劫之大小者如智度論云劫有三種謂一小二中三大如方四十里城高下亦然滿中芥子有長壽諸天三年去一乃至芥子盡名一小劫或八十里城高下亦然芥子滿中如前取盡名一中劫或百一

十里城高下亦然芥子滿中取盡一同前說方名大劫或八十里石高下亦然有一長壽諸天三年以天衣一拂天衣重三銖爲拂不已此石乃盡名爲中劫其小石大石類前中劫可知不勞具述

第三門中有五番第一明從無始劫來在此輪迴無窮受身無數者如智度論云在於人中或張家歿王家生王家歿李家生如是盡閻浮提界或重生或異家生或南閻浮提歿西拘耶尼生如閻浮提餘三天下亦如是如四天下歿生四天王天亦如是或四天王

王天死忉利天生忉利天歿生餘上四天亦如是色界有十八重天無色界有四重天此死生彼一一皆徧亦如是或色界歿生阿鼻地獄阿鼻地獄中歿生餘輕繫地獄輕繫地獄中歿生畜生中畜生中歿生餓鬼道中餓鬼道中歿或生人天中如是輪迴六道受苦樂二報生歿無窮胎生旣爾餘三生亦如是是故正法念經云菩薩化生告諸天衆云凡人經此百千生著樂放逸不修道不覺往福侵已盡還墮三途受衆苦是故涅槃經云此身苦所集一切皆不淨扼縛癱瘡

等根本無義利上至諸天身皆亦復如是是故又彼經云勸修不放逸何以故夫放逸者是衆惡之本不放逸者乃是衆善之源如日月光諸明中最不放逸法亦復如是於諸善法爲最爲上亦如須彌山王於諸山中爲最爲上不放逸法亦復如是於諸善法中爲最爲上何以故一切惡法猶放逸而生一切善法不放逸爲本第二問曰雖云無始劫來六道輪迴無際而未知一劫之中受幾身數而言流轉答曰如涅槃經說取三千大千世界卍水截爲四寸籌以數一劫

之中所受身父母頭數猶自不斲或云一劫之中所飲母乳多於四大海水或云一劫之中所積身骨如毘富羅山如是遠劫已來徒受生歿至於今日猶作凡夫之身何曾思量傷歎不已第三又問曰旣云曠大劫來受身無數者爲當直爾總說令人生厭爲當亦有經文來證答曰皆是聖教明文何者如法華經云過去不可說久遠大劫有佛出世號大通智勝如來有十六王子各昇法座教化衆生一一王子各各教化六百萬億那由他恆河沙衆生其佛滅度已來

至極久遠猶不可數知何者經云總取三千大千世界大地磨以爲墨佛言是人過千國土乃下一點大如微塵如是展轉盡地種墨佛言是人所經國土若點不點盡抹爲塵一塵一劫彼佛滅度已來復過是數今日衆生乃是彼時十六王子座下曾受教法是故經云以是本因緣爲說法華經涅槃經復云一是王子一是貧人如是二人互相往反言王子者今日釋迦如來乃是彼時第十六王子也言貧人者今日衆生等是第四問曰此等衆生旣云流轉多劫然三界之中何趣受身爲多答曰雖言流轉然於三惡道中受身偏多如經說云於虛空中量取方圓八肘從地至於色究竟天於此量內所有可見衆生卽多於三千大千世界人夫之身故知惡道身多何故如此但惡法易起善心難生故也今時但看現在衆生若得富貴唯事放逸破戒天中卽復著樂者多是故經云衆生等是流轉恆三惡道爲常家人天暫來卽去名爲客舍故也依大莊嚴論勸一切衆生常須繫念現前偈云盛年無患時懈怠不精進貪營衆事務不

修施戒禪臨為人所吞方悔求修善智者應觀察除  
 斷五欲想精勤習心者終時無悔恨心意既專至無  
 有錯亂念智者勤投心臨終意不散不習心專至臨  
 終必散亂心若散亂時如調馬用禮若其鬪戰時迴  
 旋不直行第五又問曰一切眾生皆有佛性遠劫以  
 來應值多佛何因至今仍自輪迴生處不出火宅答  
 曰依大乘聖教良由不得一種勝法以排生處是以  
 不出火宅何者為二一謂聖道二謂往生淨土其聖  
 道一種今時難證一由去大聖遙遠二由理深解微  
 是故大集月藏經云我末法時中億億眾生起行修  
 道未有一人得者當今末法現是五濁惡世唯有淨  
 土一門可通入路是故大經云若有眾生縱令一生  
 造惡臨命終時十念相續稱我名字若不生者不取  
 正覺又復一切眾生都不自量若據大乘真如實相  
 第十義空曾未措心若論小乘修入見諦修道乃至  
 那合羅漢斷五下除五上無間道俗未有其分縱有  
 人天果報皆為五戒十善能招此報然持得者甚希  
 若論起惡造罪何異暴風駛雨是以諸佛大慈勸歸

我末法下  
 至通入路  
 化立來  
 結抄也  
 同釋抄  
 出  
 現是字  
 無是字

淨土縱使一形造惡但能繫意專精常能念佛一切諸障自然消除定得往生何不思量都無去心也  
自下第四引聖教證成勸信求生者依觀佛三昧經云爾時會中有財首菩薩白佛言世尊我念過去無量劫時有佛出世亦名釋迦牟尼佛彼佛滅後有一王子名曰金幢憍慢邪見不信正法有知識比丘名定自在告王子言世有佛像極為可愛可斲入塔觀佛形像時彼王子從善友語入塔觀像見像相好自言比丘佛像端嚴猶尚如此況佛真身比丘告言王子今見佛像不能禮者當稱南無佛還宮繫念念塔中像卽於後夜夢見佛像心大歡喜捨離邪見歸依三寶隨壽命終由前入塔稱佛功德卽得值遇九百億那由他佛於諸佛所常勤精進恆得甚深念佛三昧念佛三昧力故諸佛現前皆與授記從是以來百萬阿僧祇劫不墮惡道乃至今日獲得首楞嚴三昧爾時王子者今我財首是也爾時會中卽有十方諸大菩薩其數無量各說本緣皆依念佛得佛告阿難此觀佛三昧是一切衆生犯罪者藥破戒者護失道



又如下至  
終行卷  
抄出卷  
本上無淨  
字

者導旨冥者眼愚癡者慧黑闇者燈煩惱賊中大勇  
 猛將諸佛世尊之所遊戲首楞嚴等諸大三昧始出  
 生處佛告阿難汝今善持慎勿忘失過去未來現在  
 三世諸佛皆說如是念佛三昧我與十方諸佛及賢  
 劫千佛從初發心皆因念佛三昧力故得一切種智  
 又如目連所問經佛告目連譬如百川長流有淨州  
 木前不願後後不願前都會大海世間亦爾雖有豪  
 貴富樂自在悉不得免生老病死只由不信佛經後  
 世為人更甚困劇不能得生千佛國土是故我說無  
 量壽佛國易往易取而人不能修行往生及事九十  
 五種邪道我說是人名無眼人名無耳人經教既爾  
 何不捨難依易行道矣

安樂集卷上

安樂集卷下

釋道綽撰

第四大門中有三番料簡第一依中國三藏法師并此  
土大德等皆共詳審聖教歎歸淨土今以勸依第二據  
此經宗及餘大乘諸部凡聖修入多明念佛三昧以為  
要門第三問答解釋顯念佛者得種種功能利益不可  
思議

第一依中國及以此土大德所行者余五翳面牆豈寧  
自輒但以遊歷披勘敬有師承何者謂中國大乘法師

流支三藏次有大德呵避名利則有慧寵法師次有大德尋常敷演每感聖僧來聽則有道場法師次有大德和光孤栖二國慕仰則有曇鸞法師次有大德禪觀獨秀則有大海禪師次有大德聰慧守戒則有齊朝上統然前六大德竝是二諦神鏡斯乃佛法綱維志行殊倫古今實希皆其詳審大乘歎歸淨土乃是無上要門也問曰旣云歎歸淨土乃是要門者未知此等諸德臨終時皆有靈驗已不答曰皆有不虛如曇鸞法師康存之日常修淨土亦每有世俗君子來呵法師曰十方佛國皆爲淨土法師何乃獨意注西豈非偏見生也法師對曰吾旣凡夫智慧淺短未入地位念力須均如似置州引牛恆須繫心槽檻豈得縱放全無所歸雖復難者紛紜而法師獨決是以無問一切道俗但與法師一面相遇者若未生正信勸令生信若已生正信者皆勸歸淨國是故法師臨命終時寺傍左右道俗皆見旛花映院盡聞異香音樂迎接遂往生也餘之大德臨命終時皆有徵祥若欲具談往生之相竝不可思議也

第二明此彼諸經多明念佛三昧爲宗者就中有八番

初二明一相三昧後六就緣依相明念佛三昧第一依  
花首經佛告堅意菩薩三昧有二種一者有一相三昧  
二者有衆相三昧一相三昧者有菩薩聞其世界有其  
如來現在說法菩薩取是佛相以現在前若坐道場若  
轉法輪大衆圍繞取如是相收攝諸根心不馳散專念  
一佛不捨是緣如是菩薩於如來相及世界相了達無  
相常如是觀如是行不離是緣是時佛像即現在前而  
為說法菩薩爾時潑生恭敬聽受是法若潑若淺轉加  
尊重菩薩住是三昧聞說諸法皆可壞相聞已受持從

三昧起能為四衆演說是法佛告堅意是名菩薩入一  
相三昧門第二依文殊般若明一行三昧者時文殊師  
利白佛言世尊云何名為一行三昧佛言一行三昧者  
若善男子善女人應在空間處捨諸亂意隨佛方所端  
身正向不取相貌繫心一佛專稱名字念無休息即是  
念中能見過現未來三世諸佛何以故念是佛功德無  
量無邊即與無量諸佛功德無二是名菩薩一行三昧  
第三依涅槃經佛言若人但能至心常修念佛三昧者  
十方諸佛恆見此人如現在前是故涅槃經云佛告迦

依涅槃經  
下至住受  
施信卷末  
於抄由

而佳本  
作而作

葉菩薩若有善男子善女人常能至心專念佛者若在  
山林若在聚落若晝若夜若坐若臥諸佛世尊常見此  
人如現目前恆與此人而住受施第四依觀經及餘諸  
部所修萬行但能迴願莫不皆生然念佛一行將為要  
路何者審量聖教有始終兩益若欲生善起行則普該  
諸度若滅惡消災則總治諸郭故下經云念佛眾生攝  
取不捨壽盡必生此名始益言終益者依觀音授記經  
云阿彌陀佛住世長久兆載永劫亦有滅度般涅槃時  
唯有觀音勢至住持安樂接引十方其佛滅度亦與住

世時節等同然彼國眾生一切無有覩見佛者唯有一  
向專念阿彌陀佛往生者常見彌陀現在不滅此即是  
其終時益也所修餘行迴向皆生世尊滅度有覩不覩  
勸後代審量使沾遠益也第五依般舟經云時有跋陀  
和菩薩於此國土聞有阿彌陀佛數數係念因是念故  
見阿彌陀佛既見佛已即從啟問當行何法得生彼國  
爾時阿彌陀佛語是菩薩言欲來生我國者常念我名  
莫有休息如是得來生我國土當念佛身三十二相悉  
皆具足光明徹照端正無比第六依大智度論有三番

依大智下  
至不離佛  
信卷末  
抄出

其主根本  
作其受  
般若作波  
若及未能  
下無得字

解釋第一佛是無上法王菩薩為法臣所尊所重唯佛  
世尊是故應當常念佛也第二有諸菩薩自云我從曠  
劫以來得蒙世尊長養我等法身智身大慈悲身禪定  
智慧無量行願由佛得成為報恩故常願近佛亦如大  
臣蒙主恩寵常念其主第二有諸菩薩復作是言我於  
因地遇惡知識誹謗般若墮於惡道經無量劫雖修餘  
行未能得出後於一時依善知識邊教我行念佛三昧  
其時即能併遣諸難方得解脫有斯大益故願不離佛  
第七依華嚴經云寧於無量劫具受一切苦終不遠如

來不覩自在力又云念佛三昧必見佛命終之後生佛  
前見彼臨終勸念佛又示尊像令瞻敬又善財童子求  
善知識詣功德雲比丘所言大師云何修菩薩道歸  
普賢行也是時比丘告善財曰我於世尊智慧海中唯  
知一法謂念佛三昧門何者於此三昧門中悉能親見  
一切諸佛及其眷屬嚴淨佛剎能令眾生遠離顛倒念  
佛三昧門者於微細境界中見一切佛自在境界得諸  
劫不顛倒念佛三昧門者能起一切佛剎無能壞者普  
見諸佛得三世不顛倒時功德雲比丘告善財言佛法

深海廣大無邊我所知者唯得此一念佛三昧門餘妙境界出過數量我所未知也第八依海龍王經時海龍王白佛言世尊弟子求生阿彌陀佛國當修何行得生彼土佛告龍王若欲生彼國者當行八法何等爲八一者常念諸佛二者供養如來三者咨嗟世尊四者作佛形像修諸功德五者迴願往生六者心不怯弱七者一心精進八者求佛正慧佛告龍王一切衆生具斯八法常不離佛也問曰不具八法得生佛前不離佛不答曰得生不疑何以得知如佛說寶雲經時亦明十行具足得生淨土常不離佛時有除蓋障菩薩白佛不具十行得生已不佛言得生俱能十行之中一行具足無關餘之九行悉名清淨勿致疑也又大樹緊那羅王經云菩薩行四種法常不離佛前何等爲四一者自修善法兼勸衆生皆作往生見如來意二者自勸勸他樂聞正法三者自勸勸他發菩提心四者一向專志行念佛三昧具此四行一切生處常在佛前不離諸佛又經云佛說菩薩行法有三十二器何者布施是大富器忍辱是端正器持戒是聖身器五逆不孝是刀山劔樹鑊湯器發

菩提心是成佛器常能念佛往生淨土是見佛器略舉  
六門餘者不述聖教既爾行者願生何不常念佛也又  
依月燈三昧經云念佛相好及德行能使諸根不亂動  
心無迷惑與法合得聞得智如大海智者住於是三昧  
攝念行於經行所能見千億諸如來亦值無量恆沙佛  
第三問答解釋顯念佛三昧有種種利益有其五番第  
一問曰今云常修念佛三昧仍不行餘三昧也答曰今  
言常念亦不言不行餘三昧但行念佛三昧多故故言  
常念非謂全不行餘三昧也第二問曰若勸常修念佛

如摩訶訶

至皆除也

行卷石

抄出

除貪瞋

本作除瞋

三昧與餘三昧能有階降以不答曰念佛三昧勝相不  
可思議此云何知如摩訶訶行中說云諸餘三昧非不三  
昧何以故或有三昧但能除貪不能除瞋或有三昧  
但能除瞋不能除貪或有三昧但能除癡不能除貪  
瞋或有三昧但能除現在障不能除過去未來一切諸  
障若能常修念佛三昧無間現在過去未來一切諸障  
悉皆除也第三問曰念佛三昧既能除障得福功利大  
者未審亦能資益行者使延年益壽以不答曰必得何  
者如惟無三昧經云有兄弟二人兄信因果弟無信心

一切諸障  
下祖本無  
悉字



而能善解相法因其鏡中自見面上死相已現不過七日時有智者教往問佛佛時報言七日不虛若能一心念佛修戒或得度難尋卽依教繫念時至六日卽有二鬼來耳聞其念佛之聲音竟無能前進還告閻羅王閻羅王索符已注云由持戒念佛功德生第三炎天又譬喻經中有一長者不信罪福年已五十忽夜夢見刹鬼索符來欲取之不過十日其人眠覺惶怖非常至明求覓相師占夢師作卦兆云有刹鬼必欲相害不過十日其人惶怖倍常詣佛求請佛時報云若欲攘此從今已去專意念佛持戒燒香然燈懸繒幡益信向三寶可免此死卽依此法專心信向刹鬼到門見修功德遂不能害鬼卽走去其人緣斯功德壽滿百年死得生天復有一長者名曰執持退戒還佛現被惡鬼打之第四問曰此念佛三昧但能對治諸障唯招世報亦能遠感出世無上菩提以不答曰得何者如華嚴經十地品云始從初地乃至十地於一一地中皆說入地加行道地滿功德利已不住道訖卽皆結云是諸菩薩雖修餘行皆不離念佛念法念僧上妙樂具供養三寶以斯文證得知諸

菩薩等乃至上地常學念佛念法念僧方能成就無量  
行願滿功德海何況二乘凡夫求生淨土不學念佛也  
何以故此念佛三昧卽具一切四攝六度通行通伴故  
第五問曰初地已上菩薩與佛同證真如之理名生佛  
家自能作佛濟運衆生何須更學念佛三昧願見佛也  
答曰論其真如廣大無邊與虛空等其量難知譬如一  
大闇室若然一燈二燈其明雖徧猶爲闇也漸至多燈  
雖名大明豈及日光菩薩所證智雖地地相望自有階  
降豈得比佛如日明也

第五大門中有四番料簡第一汎明修道延促欲令速  
獲不退第二此彼禪觀比較勸往第三此彼淨穢二境  
亦名漏無漏比較第四引聖教證成勸後代生信求往  
第一汎明修道延促者就中有一一明修道延促二問  
答解釋一明延促者但一切衆生莫不厭苦求樂畏縛  
求解皆欲早證無上菩提者先須發菩提心爲首此心  
難識難起縱令發得此心依經終須修十種行謂信進  
念戒定慧捨護法發願迴向進詣菩提然修道之身相  
續不絕逕一萬劫始證不退位當今凡夫現名信想輕

然修下  
至故名難  
行道化土  
卷本三  
抄出左十

毛亦曰假名亦名不定聚亦名外凡夫未出火宅何以  
 得知據菩薩瓔珞經具辨入道行位法爾故名難行道  
 又但以一劫之中受身生歿尚不可數知況一萬劫中  
 徒受痛燒若能明信佛經願生淨土隨壽長短一形即  
 至位階不退與此修道一萬劫齊功諸佛子等何不思  
 量不捨難求易也如俱舍論中亦明難行易行二種之  
 道難行者如論說云於三大阿僧祇劫一一劫中皆具  
 福智資糧六波羅蜜一切諸行一一行業皆有百萬難  
 行之道始充一位是難行道也易行道者即彼論云若  
 由別有方便有解脫者名易行道也今既勸歸極樂一  
 切行業悉迴向彼但能專至壽盡必生得生彼國即究  
 竟清涼豈可不名易行之道須知此意也二問曰既言  
 願往生淨土隨此壽盡即得往生者有聖教證不答曰  
 有七番皆引經論證成一依大經云佛告阿難其有衆  
 生欲於今世見無量壽佛者應發無上菩提之心修行  
 功德願生彼國即得往生故大經讚云若聞阿彌陀德  
 號歡喜讚仰心歸依下至一念得大利則為具足功德  
 寶設滿大千世界火亦應直過聞佛名聞阿彌陀不復

大經讚云  
 下八句行  
 卷抄出

退是故至心稽首禮二依觀經九品之內皆言臨終正  
念卽得往生三依起信論云教諸衆生勸觀眞如平等  
一實亦有始發意菩薩其心軟弱自謂不能常值諸佛  
親承供養意欲退者當知如來有勝方便攝護信心謂  
以專意念佛因緣隨願往生以常見佛故永離惡道四  
依鼓音陀羅尼經云爾時世尊告諸比丘我當爲汝演  
說西方安樂世界今現有佛號阿彌陀若有四衆能正  
受持彼佛名號堅固其心意念不忘十日十夜除捨散  
亂精勤修習念佛三昧若能念念不絕十日之中必  
得見彼阿彌陀佛皆得往生五依法鼓經云若人臨終  
之時不能作念但知彼方有佛作往生意亦得往生六  
如十方隨願往生經云若有臨終及死墮地獄家內眷  
屬爲其亡者念佛及轉誦齋福亡者則出地獄往生淨  
土況其現在自能修念何以不得往生者也是故彼經  
云現在眷屬爲亡者追福如餉遠人定得食也第七廣  
引諸經證成如大法鼓經說若善男子善女人常能繫  
意稱念諸佛名號者十方諸佛一切賢聖常見此人如  
現目前是故此經名大法鼓當知此人十方淨土隨願

往生又大悲經云何名爲大悲若專念佛相續不斷者  
隨其命終定生安樂若能展轉相勸行念佛者當知此  
等悉名行大悲人也是故涅槃經云佛告大王假令開  
大庫藏一月之中布施一切衆生所得功德不如有人  
稱佛一口功德過前不可按量又增一阿含經云佛告  
阿難其有衆生供養一閻浮提人衣服飲食臥具湯藥  
所得功德寧爲多不阿難白佛言世尊甚多甚多不可  
數量佛告阿難若有衆生善心相續稱佛名號如一搆  
牛乳頃所得功德過上不可量無有能量者大品經云  
若人散心念佛乃至畢苦其福不盡若人散花念佛  
乃至畢苦其福不盡故知念佛利大不可思議也十  
往生經諸大乘經等竝有文證不可具引也

第二次明此彼禪觀比較勸往生者但此方穢境亂  
想難入就令修得唯獲事定多喜味淡又復但能伏  
業報生上界壽盡多退是故智度論云多聞持戒禪  
未得無漏法雖有此功德是事未可信若欲向西修  
習事境光淨定觀易成除罪多劫永定速進究竟清  
涼如大經廣說問曰若西方境界勝可爲禪定感此

界色天劣不應爲禪定招答曰若論修定因該通於彼此然彼界位是不退并有他力持是故說爲勝此處雖復修定剋但有自分因闕無他力攝業盡不免退就此說不如

第二據此彼淨穢二境亦名漏無漏者若論此處境界唯有三塗五阨山澗沙鹵棘刺水旱暴風惡觸雷電礮礮虎狼毒獸惡賊惡子荒亂破散三災敗壞語論正報三毒八倒憂悲嫉妒多病短命飢渴寒熱常爲司命害鬼之所追逐深可穢惡不可具說故名有

漏深可厭也往生彼國勝者據大經云十方人天但生彼國者莫不皆獲種種利益也何者一生彼國者行則金蓮捧足坐則寶座承軀出則帝釋在前入則梵王從後一切聖衆與我親朋阿彌陀佛爲我大師寶樹寶林之下任意翱翔八德池中遊神濯足形則身同金色壽則命與佛齊學則衆門並進止則二諦虛融十方濟運則乘大神通晏安暫時則坐三空門遊則入八正之路至則到大涅槃一切衆生俱至彼國者皆證此益何不思量不速去也

第四引聖教證成勸後代生信求願往者依觀佛三昧經云爾時會中有十方諸佛各於花臺中結跏趺坐於空中現東方善德如來爲普告大衆言汝等當知我念過去無量世時有佛名寶威德上王彼佛出時亦如今日說三乘法彼佛滅後末世之中有一比丘將弟子九人往詣佛塔禮拜佛像見一寶像嚴顯可觀觀已敬禮目諦觀之各說一偈用爲讚歎隨壽脩短各自命終卽命終已卽生佛前從此已後恆得值遇無量諸佛於諸佛所廣修梵行得念佛三昧海既得此已諸佛現前卽與授記於十方面隨意作佛東方善德佛者卽我身是自餘九方諸佛者卽是本昔弟子九人是十方佛世尊因由禮塔一偈讚故得成爲佛豈異人乎我等十方佛是是時十方諸佛從空而下放千光明顯現色身白毫相光各各皆坐釋迦佛牀告阿難言汝知釋迦文佛無數精進百千苦行求佛智慧報得是身今爲汝說汝持佛語爲未來世天龍大衆四部弟子說觀佛相好及念佛三昧說是語已然後問訊釋迦文佛問訊訖已各還本國

第六大門中有三番料簡第一十方淨土共來比較  
第二義推第三辨經住滅

第一十方淨土共來比較者有三番一如隨願往生經云十方佛國皆悉嚴淨隨願竝得往生雖然悉不如西方無量壽國何意如此但阿彌陀佛與觀音大勢至先發心時從此界去於此衆生偏是有緣是故釋迦處處歎歸二據太經法藏菩薩因中於世饒王佛所具發弘願取諸淨土時佛爲說二百一十億諸佛刹土天人善惡國土精麤悉現與之於時法藏菩薩願取西方成佛今現在彼是二證也三依此觀經中韋提夫人復請淨土如來光臺爲現十方一切淨土韋提夫人白佛言此諸佛土雖復清淨皆有光明我今樂生極樂世界阿彌陀佛所是其三證故知諸淨土中安樂世界最勝也

第二義推者問曰何故要須面向西坐禮念觀者答曰以閻浮提云日出處名生沒處名死藉於死地神明趣入其相助便是故法藏菩薩願成佛在西悲接衆生由坐觀禮念等面向佛者是隨世禮儀若是聖



人得飛報自在不辨方所但凡夫之人身心相隨若  
向餘方西往必難是故智度論云有一比丘康存之  
日誦阿彌陀經及念般若波羅蜜臨命終時告弟子  
言阿彌陀佛與諸聖衆今在我前合掌歸依須臾捨  
命於是弟子依火葬法以火焚屍一切燒盡唯有舌  
根一種與本不異遂卽收取起塔供養龍樹菩薩釋  
云誦阿彌陀經故是以垂終佛自來迎念般若波羅  
蜜故所以舌根不盡以斯文證故知一切行業但能  
迴向無不往也故須彌四域經云天地初開之時未  
有日月星辰縱有天人來下但用項光照用爾時人  
民多生苦惱於是阿彌陀佛遣二菩薩一名寶應聲  
二名寶吉祥卽伏犧女媧是此二菩薩共相籌議向  
第七梵天上取其七寶來至此界造日月星辰二十  
八宿以照天下定其四時春秋冬夏時二菩薩共相  
謂言所以日月星辰二十八宿西行者一切諸天人  
民盡共稽首阿彌陀佛是以日月星辰皆悉傾心向  
彼故西流也

辨經住  
至佳厚  
化土卷  
譯抄出

第二辨經住滅者謂釋迦牟尼佛一代正法五百年

像法一千年末法一万年衆生滅盡諸經悉滅如來  
悲哀痛燒衆生特留此經止住百年以斯文證故知  
彼國雖是淨土然體通上下知相無相當生上位凡  
夫火宅一向乘相往生也

第七大門中有兩番料簡第十門中此彼取相料簡  
縛脫第二次明此彼修道用功輕重而獲報真偽故  
勸向彼

第一此彼取相料簡縛脫者若取西方淨相疾得解  
脫純受極樂智眼開朗若取此方穢相唯有妄樂癡

盲目縛憂怖問曰依大乘諸經皆云無相乃是出離  
要道執相拘礙不免塵累今勸衆生捨穢忻淨是義  
云何答曰此義不類何者凡相有二種一者於五塵欲  
境妄愛貪染隨境執著此等是相名之爲縛二者愛  
佛功德願生淨土雖言是相名爲解脫何以得知如  
十地經云初地菩薩尚自別觀二諦勵心作意先依  
相求終則無相以漸增進體大菩提盡七地終心相  
心始息入其八地絕於相求方名無功用也是故論  
云七地已還惡貪爲障善貪爲治八地已上善貪爲

障無貪為治況今願生淨土現是外凡所修善根皆從愛佛功德生豈是縛也故涅槃經云一切眾生有二種愛一者善愛二者不善愛不善愛者唯愚求之善法愛者諸菩薩求是故淨土論云觀佛國土清淨味攝受眾生大乘味類事起行願取佛土味畢竟住持不虛作味有如是等無量佛道味故雖是取相非當執縛也又彼淨土所言相者即是無漏相實相相也

未滿已下  
至報偽也  
化主卷本  
結抄出  
然名用作  
各用

第二段中明此彼修道用功輕重而獲報真偽者若欲發心歸西者單用少時禮觀念等隨壽長短臨命終時光臺迎接迅至彼方位階不退是故大經云十方人天來生我國若不畢至滅度更有退轉者不取正覺此方多時具修施戒忍進定慧未滿一萬劫已來恆未免火宅顛倒墜墮故名用功至重獲報偽也  
大經復云生我國者橫截五惡趣今此約對彌陀淨刹娑婆五道齊名惡趣地獄餓鬼畜生純惡所歸名為惡趣娑婆人天雜業所向亦名惡趣若依此方修治斷除先斷見惑離三塗因滅三塗果後斷修惑離

人天因絕人天果此皆漸次漸除不名橫截若得往  
生彌陀淨國娑婆五道一時頓捨故名橫截五惡趣  
者截其果也惡趣自然閉者閉其因也此明所離昇  
道無窮極者彰其所得若能作意迴願向西上盡一  
形下至十念無不皆往一到彼國卽入正定聚與此  
修道一方劫齊功也

第八大門中有三番料簡第一略舉諸經來證勸捨  
此忻彼第二彌陀釋迦二佛比校第三釋往生意

第一略舉諸大乘經來證皆勸捨此怖彼者一謂耆  
闍崛山說大經二卷二觀經一部王官者闍兩會正  
說二小卷無量壽經舍衛一說四復有十方隨願往  
生經明證五復有無量清淨覺經二卷一會正說六  
更有十往生經一卷諸餘大乘經論指讚處多如請  
觀音本品經等又如龍樹天親等論歎勸非一餘方  
淨土皆不如此丁寧

第二彌陀釋迦二佛比校者謂此佛釋迦如來八十  
年住世暫現卽去去而不返比於初利諸天不至一  
日又釋迦在時救緣亦弱如毗舍離國救人現患等

何者時毗舍離國人民遭五種惡病一者眼赤如血  
 二者兩耳出膿三者鼻中流血四者舌噤無聲五者  
 所食之物化為麤澀六識閉塞猶如醉人有五夜又  
 或名訖拏迦羅面黑如墨而有五眼狗牙上出吸人  
 精氣良醫耆婆盡其道術所不能救時有月益長者  
 為首部領病人皆來歸佛叩頭求哀爾時世尊起無  
 量悲愍告病人曰西方有阿彌陀佛觀世音大勢至  
 菩薩汝等一心合掌求見於是大眾皆從佛勸合掌  
 求哀爾時彼佛放大光明觀音大勢一時俱到說大

然二佛下  
 盡讀傳  
 証卷抄  
 出

神咒一切病苦皆悉消除平復如故然二佛神力應  
 亦齊等但釋迦如來不申已能故顯彼長欲使一切  
 眾生莫不齊歸是故釋迦處處歎歸須知此意也是  
 故曇鸞法師正意歸西故傍大經奉讚云安樂聲聞  
 菩薩眾人天智慧咸洞達身相莊嚴無殊異但順他  
 方故劉名顏容端正無可比精微妙軀非人天虛無  
 之身無極體是故頂禮平等力

第二釋往生意者就中有二一釋往生意二問答解  
 釋第一問曰今願生淨土未知作何意也答曰只欲

疾成自利利他利物深廣十信三賢攝受正法契會  
不二見證佛性明曉實相觀照暉心有無二諦因果  
先後十地優劣三忍三道金剛無礙證大涅槃大乘  
寬運欲無限時住為盡無邊生死海故問有三番問  
曰願生淨土擬欲利物者若爾所拔眾生今現在此  
已能發得此心只應在此拔苦眾生何因得此心竟  
先願生淨土似如捨眾生自求菩提樂也答曰此義  
不類何者如智度論云譬如一人俱見父母眷屬沒  
在深淵一人直往盡力救之力所不及相與俱沒一  
人遙走趣一舟船乘來濟接並得出難菩薩亦爾若  
未發心時生死流轉與眾生無別但已發菩提心時  
先願往生淨土取大悲船乘無礙辨才入生死海濟  
運眾生二大論復云菩薩生淨土具大神通辨才無  
礙教化眾生時尚不能令眾生生善滅惡增道進位  
稱菩薩意若卽在穢土拔濟者闕無此益如似逼鷄  
入水豈能不溼也三大經讚云安樂佛國諸菩薩夫  
可宣說隨智慧於已萬物亡我所淨若蓮華不受塵  
往來進止若汎舟利安為務捨適莫彼已猶空斷一

想然智慧炬照長夜二明六通皆已足菩薩万行觀  
心眼如是功德無邊量是故至心願生彼

第九大門中有兩番料簡第一苦樂善惡相對第二  
明彼此壽命長短比較

就初段中有二一苦樂善惡相對二引大經爲證初  
言苦樂善惡相對者在此娑婆世界雖有苦樂二報  
恒以樂少苦多重則三塗痛燒輕則人天刀兵疾病  
相續連注遠劫已來無有斷時縱有人天少樂猶如  
泡沫電光速起速滅是故名爲唯苦唯惡彌陀淨國

水鳥樹林常吐法音明宣道教具足清白能令悟入  
二引聖教爲證者淨土論云十方人天生彼國者卽  
與淨心菩薩無二淨心菩薩卽與上地菩薩畢竟同  
得寂滅忍故更不退轉又引大經四十八願中有五  
番大益第一大經云有十方人天來生我國不悉具  
金色者不取正覺二云十方人天來生我國若形色  
不同有好醜者不取正覺三云十方人天來生我國  
不得宿命智下至不知百千億那由他諸劫事者不  
取正覺四云十方人天來生我國不得天耳通下至不

聞百千億那由他諸佛所說不悉受持者不取正覺  
五云十方人天來生我國不得他心智下至不知百  
千億那由他諸佛國中衆生心念者不取正覺欲論  
彼國利益之事難可具陳但當願生必不可思議是  
故彼方唯善唯樂無苦無惡也

第二明壽命長短者此方壽命太期不過百年百年  
之內少出多減或生年夭喪乃至童子身亾或復胞  
胎傷墮何意然者良由衆生作因時雜是以受報亦  
不得齊同也是故涅槃經云作業時黑果報亦黑作

業時白果報亦白淨雜亦爾又據淨度菩薩經云人  
壽百歲夜消其半卽是減卻五十年也就五十年內  
十五已來未知善惡八十已去昏耄虛劣故受老苦  
自此之外唯有十五年在於中外則王官逼迫長征  
遠防或繫在牢獄內則門戶吉凶衆事牽纏勞悴  
忪常求不足如斯推計可有幾時得修道業如此思  
量豈不哀哉何得不厭又彼經云人生世間凡經一  
日一夜有八億四千萬念一念起惡受一惡身十念  
念惡得十生惡身百念念惡受一百惡身計一衆生



一形之中百年念惡惡卽徧滿三千國土受其惡身  
惡法旣爾善法亦然一念起善受一善身百念念善  
受一百善身計一衆生一形之中百年念善三千國  
土善身亦滿若得十年五年念阿彌陀佛或至多年  
後生無量壽國卽受淨土法身恆沙無盡不可思議  
也今旣穢土短促命報不遠若生阿彌陀淨國壽命  
長遠不可思議是故無量壽經云佛告舍利弗彼佛  
何故號阿彌陀舍利弗十方人天往生彼國者壽命  
長遠億百千劫與佛同等故號阿彌陀各宜量此利  
大皆願往生也又善王皇帝尊經云其有人學道念  
欲往生西方阿彌陀佛國者憶念晝夜一日若二日  
或三日若四日若五日若六日七日若復於中欲還  
悔者聞我說是善王功德命欲盡時有八菩薩皆悉  
飛來迎取此人到西方阿彌陀佛國中終不得止自  
此已下又引大經偈爲證讚云其有衆生生安樂悉  
具三十有二相智慧滿足入深法究暢道要無障礙  
隨根利鈍成就忍三忍乃至不可說宿命五通常自  
在至佛不更雜惡趣除生他方五濁世示現同如大

牟尼生安樂國成大利是故至心願生彼

第十大門中有兩番料簡第一依大經引類證誠第二釋迴向義

第一依大經引類證誠者十方諸佛無不勸歸西方十方菩薩無不同生十方人天有意齊歸故知不可思議事也是故大經讚云神力無極阿彌陀十方無量佛所讚東方恆沙諸佛國菩薩無數悉往觀亦復供養安樂國菩薩聲聞諸大眾聽受經法宣道化自餘九方亦如是

第二釋迴向義者但以一切眾生既有佛性人人皆有願成佛心然依所修行業未滿一劫已來猶未出火界不免輪迴是故聖者愍斯長苦勸迴向西為成大益然迴向之功不越於六何等為六一者將所修諸業迴向彌陀既至彼國還得大通濟運眾生此即不住道也二迴因向果三迴下向上四迴遲向速此即不住世間也五迴施眾生悲念向善六迴入去卻分別之心迴向之功只成斯六是故大經云其有眾生我國者自然勝進超出常倫諸地之行至成

佛道更無迴復之難故大經讚云安樂菩薩聲聞輩  
於此世界無比方釋迦無礙大辨才設諸假令示少  
分最賤乞人竝帝王帝王復比金輪王如是展轉至  
六夫次第相類皆如始以天色像喻於彼千万億倍  
非其類皆是法藏願力為稽首頂禮大心力

第十一大門中略作兩番料簡第一勸一切衆生託  
善知識作向西意第二死後辨生緣勝劣

第一勸託善知識者依法句經與衆生作善知識有  
寶明菩薩白佛言世尊云何名為善知識也佛言善

知識者能說寂法謂空無相無願諸法平等無業無報無因無果究竟如如住於實際然於畢竟空中熾然建立一切諸法是爲善知識善知識者是汝父母養育汝等善提身故善知識者是汝眼目能見一切善惡道故善知識者是汝大船運度汝等出生死海故善知識者是汝絙繩能挽拔汝等出生死故也又勸雖與衆生作善知識必須歸西何以故由住斯火界違順境多多有退沒難出故也是故舍利弗於此發心修菩薩行已經六十劫逢惡知識乞眼因緣遂

卽退轉故知火界修道甚難故勸歸西方一得往生  
三學自然勝進万行皆備故大經云彌陀淨國無造  
惡之地如毛髮許也

第二次辨衆生死後受生勝劣者此界衆生壽盡命  
終莫不皆乘善惡二業恆爲司命獄率妄愛煩惱相  
與受生乃從無數劫來未能免離若能生信歸向淨  
土策意專精命欲終時阿彌陀佛與觀音聖衆光臺  
迎接行者歡喜隨從合掌乘臺須臾卽到無不快樂  
乃至成佛又復一切衆生造業不同有其三種謂上

中下莫不皆詣閻羅取判若能信佛因緣願生淨土  
所修行業並皆迴向命欲終時佛自來迎不干死王  
也

第十二大門中有一番就十往生經為證勸往生也  
如佛說生阿彌陀佛國為諸大衆說觀身正念解脫  
十往生經云阿難白佛言世尊一切衆生觀身之法  
其事云何唯願說之佛告阿難夫觀身之法者不觀  
東西不觀南北不觀四維上下不觀虛空不觀外緣  
不觀內緣不觀身色不觀色聲不觀色像唯觀無緣

是爲正真觀身之法除是觀身十方諦求在在處處  
更無別法而得解脫佛復告阿難但自觀身善力自  
然正念自然解脫自然何以故譬如有人精進直心  
得正解脫如是之人不求解脫解脫自至阿難復白  
佛言世尊世間衆生若有如是正念解脫應無一切  
地獄餓鬼畜生三惡道也佛告阿難世間衆生不得  
解脫何以故一切衆生皆由多虛少實無一正念以  
是因緣地獄者多解脫者少譬如有人於自父母及  
以師僧外現孝順內懷不孝外現精進內懷不實如  
是惡人報雖未至三塗不遠無有正念不得解脫阿  
難復自佛言若如是者更修何善相得正解脫佛告  
阿難汝今善聽吾今爲汝說有十往生法可得解脫  
云何爲十一者觀身正念常懷歡喜以飲食衣服施  
佛及僧往生阿彌陀佛國二者正念以甘妙良藥施  
一病比丘及一切衆生往生阿彌陀佛國三者正念  
不害一生命慈悲於一切往生阿彌陀佛國四者正  
念從師所受戒淨慧修梵行心常懷歡喜往生阿彌  
陀佛國五者正念孝順於父母敬奉於師長不起憍

慢心往生阿彌陀佛國六者正念往詣於僧房恭敬  
於塔寺聞法解一義往生阿彌陀佛國七者正念一  
日一夜中受持八戒齋不破一往生阿彌陀佛國八  
者正念若能齋月齋日中遠離於房舍常詣於善師  
往生阿彌陀佛國九者正念常能持淨戒勤修於禪  
定護法不惡口若能如是行往生阿彌陀佛國十者  
正念若於無上道不起誹謗心精進持淨戒復教無  
智者流布是經法教化無量衆生如是諸人等悉皆  
得往生爾時會中有一菩薩名山海慧白佛言世尊

彼阿彌陀國有何妙樂勝事一切衆生皆願往生彼  
佛告山海慧菩薩汝今應當起立合掌正身向西正  
念觀阿彌陀佛國願見阿彌陀佛爾時一切大衆亦  
皆起立合掌共觀阿彌陀佛爾時阿彌陀佛現大神  
通放大光明照山海慧菩薩身爾時山海慧菩薩等  
卽見阿彌陀佛國土所有莊嚴妙好之事皆悉七寶  
七寶山七寶國土水鳥樹林常吐法音彼國日日常  
轉法輪彼國人民不習外事正習內事口說方等語  
耳聽方等聲心解方等義爾時山海慧菩薩白佛言



世尊我等今者親見彼國勝妙利益不可思議我今願一切衆生悉皆往生然後我等亦願生彼國佛記之曰正觀正念得正解脫皆悉生彼若有善男子善女人正信是經愛樂是經勸導衆生說者聽者悉皆往生阿彌陀佛國若有如是等人我從今日常使二十五菩薩護持是人常今是人無病無惱若人若非人不得其便行住坐臥無間晝夜常得安穩山海慧菩薩白佛言世尊我今頂受尊教不敢有疑然世有衆生多有誹謗不信是經如是之人於後云何佛告

山海慧菩薩於後閻浮提或有比丘比丘尼見有讀誦是經者或相嗔恚心懷誹謗由是謗正法故是人現身之中來致諸惡重病身根不具聾盲瘡癩水腫鬼魅坐臥不安求生不得求死不得或乃致死墮於地獄八万劫中受大苦惱百千万世未曾聞水食之名久後得出在牛馬猪羊爲人所殺受大極苦後得爲人常生下處百千万世不得自在永不聞三寶名字是故無智無信人中莫說是經也

撰集流通德普施於一切先發菩提心同歸向淨國

世尊我等今者覩見彼國勝妙利益不可思議我今願一切衆生悉皆往生然後我等亦願生彼國佛記之曰正觀正念得正解脫皆悉生彼若有善男子善女人正信是經愛樂是經勸導衆生說者聽者悉皆往生阿彌陀佛國若有如是等人我從今日常使二十五菩薩護持是人常令是人無病無惱若人若非人不得其便行住坐臥無問晝夜常得安穩山海慧菩薩白佛言世尊我今頂受尊教不敢有疑然世有衆生多有誹謗不信是經如是之人於後云何佛告

山海慧菩薩於後閻浮提或有比丘比丘尼見有誦誦是經者或相嗔恚心懷誹謗由是謗正法故是人現身之中來致諸惡重病身根不具聾盲瘡癩水腫鬼魅坐臥不安求生不得求死不得或乃致死墮於地獄八万劫中受大苦惱百千万世未曾聞水食之名久後得出在牛馬猪羊爲人所殺受大極苦後得爲人常生下處百千万世不得自在永不聞三寶名字是故無智無信人中莫說是經也

撰集流通德普施於一切先發菩提心同歸向淨國

皆共成佛道

安樂集卷下

